

<p><b>Կազմակերպության տվյալներ</b></p> <ul style="list-style-type: none"> <li>• Անվանում, հասցե</li> <li>• Տնօրեն</li> <li>• Էլ.հասցե</li> <li>• Հեռախոս</li> </ul>	<p>«Մասնակցային դպրոց» կրթական հիմնադրամ Վահրամ Սողոմոնյան <a href="mailto:masnakcayindproc@gmail.com">masnakcayindproc@gmail.com</a></p>
<p><b>Հետազոտության թեմա/վերնագիր</b></p> <ul style="list-style-type: none"> <li>• Հետազոտության թեմա</li> </ul>	<p>Հետադարձ կապը և ինքնաճանաչողական կարողունակությունը 6-րդ դասարանի &lt;&lt;Ես և իմ ընտանիքը&gt;&gt; թեմայի շրջանակում</p>
<p><b>Ուսուցչի տվյալներ</b></p> <ul style="list-style-type: none"> <li>• Ա.Ա.Յ.</li> <li>• Մասնագիտություն</li> <li>• Հեռախոս</li> <li>• Էլ. հասցե</li> <li>• Դասավանդվող առարկաներ</li> <li>• Դասարաններ</li> </ul>	<p>Աղաջանյան Իրինա Արմավիրի Հայոց լեզվի և գրականության ուսուցիչ</p> <p>Մայրենի, Հայոց լեզու, Գրականություն 6-րդ, 8-րդ դասարաններ</p>
<p><b>Ուսումնական հաստատության տվյալներ</b></p> <ul style="list-style-type: none"> <li>• Անվանումը, հասցե</li> <li>• Հեռախոս</li> <li>• Էլ. հասցե (տնօրենության)</li> <li>• Web կայքի հասցե</li> </ul>	<p>&lt;&lt;Մայակովսկու Հրաչյա Հովհաննիսյանի անվան միջնակարգ դպրոց&gt;&gt; ՊՈԱԿ Կոտայքի մարզ ,գյուղ Մայակովսկի Լ.Դուրյան 2-րդ փողոց, 2/4</p> <p><a href="mailto:mayakovski@schools.am">mayakovski@schools.am</a></p>

## **ԳՐԱԿԱՆԴԱԿՈՒԹՅՈՒՆ**

<b>ՆԵՐԱՃՈՒԹՅՈՒՆ.....</b>	<b>4</b>
<b>ԳՐԱԿԱՆՈՒԹՅԱՆ ԱԿՆԱՐԿ.....</b>	<b>6</b>
<b>ՀԵՏԱՉՈՏՈՒԹՅԱՆ ՄԵԹՈԴՆԵՐԸ.....</b>	<b>8</b>
<b>ՀԵՏԱՉՈՏՈՒԹՅԱՆ ԸՆԹԱՑՔԸ.....</b>	<b>9</b>
<b>ԵԶՐԱԿԱՑՈՒԹՅՈՒՆ.....</b>	<b>12</b>
<b>ԳՐԱԿԱՆՈՒԹՅԱՆ ՑԱՆԿ.....</b>	<b>13</b>
<b>ՀԱՎԵԼԱՅ 1.....</b>	<b>14</b>

**Չետազոտության նպատակը** Չետադարձ կապը և ինքնաճանաչողական կարողունակությունը 6-րդ դասարանի <<Ես և իմ ընտանիքը>> թեմայի շրջանակում: Չետադարձ կապի նպատակը սովորողի ուսումնառության առկա մակարդակն ակնկալվող վերջնարդյունքին հնարավորինս մոտեցնելն է: Սա նշանակում է, որ հետադարձ կապի համար ընտրված զանազան միջոցներն ու հնարները պետք է բխեն սովորողին միայն առաջ մղելու, իր ձեռքբերումները խորացնելու, թերացումներն արագ վերացնելու և արդյունքները բարելավելու նպատակից:

Պարզել, թե ինչպես է աջակցում հետադարձ կապն ինքնաճանաչողական կարողունակության զարգացմանը 6-րդ դասարանի <<Ես և իմ ընտանիքը>> թեմայի շրջանակում:

## ՆԵՐԱՃՈՒԹՅՈՒՆ

Կրթության բնագավառը հանդիսանում է պետության զարգացման և ռազմավարական նշանակություն ունեցող ոլորտ: Երեխայի սովորելու, հասկանալու և ընկալելու կարողությունները առավել ակտիվ են դպրոցական տարիքում: Ուղեղի աշխատանքի արդյունավետությունը կախված է նրանից, թե ինչպես է այն մշակվում, հղկվում և վարժվում: Այդ գործում մեծ է ուսուցչի դերը: Նա պետք է ուսուցման պրոցեսը կազմակերպի և անցկացնի այնպես, որ կարողանա լիարժեք օգտագործի երեխայի ընդունակությունները, հիշողությունը, ուշադրությունը, մտածողությունը իր բոլոր կողմերով: Սովորողի ուսուցման և դաստիարակության գործում ուսուցչին պետք է աջակցի ծնողը: Նա դպրոցում սկսված գործը պետք է հասցնի տրամաբանական ավարտին: Ծնողի և ուսուցչի աշխատանքը պետք է նպատակաուղղված լինի երեխայի մոտ ուղեղի մտածողության տարբեր տեսակների, հատկապես վերլուծական մտածողության զարգացմանը: Սա է պահանջում ժամանակակից աշխարհը և մեր երկրի գերակա շահը:

Ջետադարձ կապն ուսուցման և ուսումնառության գործընթացում սովորողների և ուսուցչի կատարած որոշակի քայլերի և գործողությունների փոխադարձ համարժեք արձագանքն է: Այսինքն՝ հետադարձ կապը միջոց է ուսուցչի գործողություններին սովորողների կողմից, սովորողների գործողություններին՝ ուսուցչի և մյուս սովորողների անդրադարձի: Ջետադարձ կապ ապահովելիս ուսուցիչը պետք է սվորողին ուղղի քաջալերող խոսք, հուշումներ, ստուգող, բաց և փակ հարցեր, որոնք կօգնեն նրան հասկանալ իր ուժեղ կողմերը, բացահայտել բացթողումները և բարելավել ուսումնառության արդյունքը: հետադարձ կապը ուսուցման և ուսումնառության անբաժանելի մասն է: Որքան այն արդյունավետ է, որքան շեշտադրվում են սովորողների ձեռքբերումները և իրականացվում է աշխատանքի պատշաճ վերլուծություն, այնքան ավելի մեծ է հավանականությունը, որ սովորողները շարունակաբար կբարելավեն իրենց առաջադիմությունը:

<p><b>Ո՞ր առանցքային կոմպետենցիային/կարողունակությանն է ուղղված նպատակի ուսումնասիրությունը</b></p>	<p>Ինքնաճանաչողական և սոցիալական կարողունակության ձևավորում</p>
<p><b>Վերապատրաստման ո՞ր թեմայի շրջանակում է անդրադարձ կատարվել այս հիմնախնդրին/ուղորտին</b></p>	<p>&lt;&lt;Դիրքորոշում և արժեք&gt;&gt; թեմայի ուսումնասիրության ժամանակ ծավալուն կերպով անդրադարձ կատարվեց ինքնաճանաչողական և սոցիալական կարողունակության կարևորությանը</p>

---

**ԳՐԱԿԱՆՈՒԹՅԱՆ ԱԿՆԱՐԿ**

Սերնդի դաստիարակությամբ և կրթությամբ զբաղվում է կրթության ոլորտը և ընտանիքը:  
 Ընտանիքը մեծ դեր է խաղում երեխաների սոցիալականացման և գաղափարախոսության զարգացման

գործում :Ընտանիքը հասարակության ամենավաղ քննարկից է, միևնույն ժամանակ այն սոցիալական կազմակերպության ամենատարածված տեսակն է: Ընտանիքը նաև հասարակության հենասյուներից է և մարդկային հասարակության ամենաառանցքային սոցիալական ինստիտուտներից: Ընտանիքի ձևավորման հիմքում ընկած է հասարակության նորմերի, դերերի և ստանդարտների յուրացումը: Ընտանիքի ինստիտուտը հանդիսանում է հասարակագիտական այլ առարկաների ուսումնասիրության առարկան, ինչպես օրինակ՝ պատմության, ազգագրության, հոգեբանության, մարդաբանության համար:

Հենց ընտանիքում են դրվում երեխայի բնույթն ու ինքնությունը: Ընտանիքը հանդես է գալիս որպես առաջին կրթական հաստատություն: Հենց ընտանիքում են դրվում մարդու բարոյականության հիմքերը, ձևավորվում են վարքագծի նորմեր, բացահայտվում է ներաշխարհը և անձի անհատական որակները: Ընտանիքը նպաստում է մարդու ինքնահաստատմանը, խթանում է նրա սոցիալական և ստեղծագործական գործունեությանը: Այլ կերպ ասած՝ ընտանիքում իրականացվում է երեխայի սկզբնական սոցիալականացումը :Ընտանիքի դերն ու նշանակությունը բացառիկ է Հայ ժողովրդի գոյապահպանման գործում: Այն ոչ միայն մարդկային ցեղի բնական վերարտադրության հիմնական միջավայրն է, այլև հատուկ ընկալում ունի Հայի արժեհամակարգում: Այս պնդումն ամրագրված է ամենից առաջ Հայաստանի Հանրապետության հիմնական օրենքում: Մասնավորապես, ՀՀ Սահմանադրության 16-րդ հոդվածի համաձայն՝ «ընտանիքը, որպես հասարակության բնական և հիմնական բջիջ, բնակչության պահպանման և վերարտադրման հիմք, ինչպես նաև մայրությունը և մանկությունը պետության հատուկ պաշտպանության և հովանավորության ներքո են»:

Երեխայի դաստիարակությունը մեր կյանքի կարևոր մասն է կազմում: Ցանկացած ծնող, հենվելով սեփական փորձի և գիտելիքների վրա, փորձում է չկրկնել ուրիշների սխալները և որքան հնարավոր է ճիշտ դաստիարակել իր երեխաներին: Ընտանիքի դերն ու նշանակությունը երեխայի կյանքում անհամեմատ մեծ են: Ոչ լիարժեք ընտանիքների երեխաների մոտ հաճախ դիտվում է ինքնուրույնության և շրջապատում ինքնահաստատվելու բարձր ձգտումը: Երեխաների սոցիալական զարգացումը կանոնակարգվում է երկու կառույցների միջոցով՝ դպրոց և ընտանիք: Որոշ մանկավարժներ, վստահելով իրենց գիտելիքներին, համարում են, որ իրենք բոլորից ճիշտ են դաստիարակում: Այդպես են մտածում նաև շատ ծնողներ՝ կարծելով, որ իրենց երեխային ավելի լավ գիտեն և հաջողությամբ կարող են լուծել նրան վերաբերող ցանկացած խնդիր: Այս երկու մոտեցումներն էլ թերի են: Անհրաժեշտ է ի մի բերել այդ երկու սոցիալական ինստիտուտների ուժեղ և թույլ կողմերը: Երեխայի զարգացման որոշ ոլորտներում, օրինակ՝ հուզական, ֆիզիկական, ընտանիքի հնարավորություններն են ավելի, իսկ ուսուցման, ստեղծագործական ունակությունների զարգացման և այլն հարցերում՝ դպրոցին: Կրթության խնդիրների հաջող լուծումը հնարավոր է միայն ընտանիքի և դպրոցի փոխգործակցության դեպքում: Ընտանիքի և

դպրոցի համագործակցությունը գնալով ավելի արդիական և պահանջված է դառնում: Երկու կողմերն էլ ներկայացնում են իրենց սեփական, երբեմն արդարացի պահանջները: Ինչպես գրում է ռուս մեծ ուսուցիչ Վ. Սուխոմլինսկին. «Ընտանիքում արմատներ են գցվում, որոնցից հետո աճում են հյուղեր, ծաղիկներ և պուտրեր: Դպրոցի մանկավարժական իմաստությունը կառուցված է ընտանիքի բարոյական առողջության վրա»: Ակնհայտ է դպրոցի և ընտանիքի փոխգործակցության անհրաժեշտությունն ու կարևորությունը: Ընտանիքը պետք է լինի համախոհների թիւմ և գործի դպրոցին համապատասխան, հետևաբար ուսուցիչների հիմնական խնդիրները հետևյալն են.

- ծնողներին սովորեցնել մեծահասակների և երեխաների, ընտանիքի անդամների ուսուցման տեխնիկան, մեթոդները և սնը.
- նպաստել դրական և բացասական իրավիճակների իրազեկմանը.

Հետազոտության մեթոդները

- Կրթությունը արդյունավետ և հետաքրքիր դարձնելու նպատակով անհրաժեշտ է ուսուցման ընթացքում կիրառել մանկավարժական ակտիվ և բազմաբնույթ տեխնոլոգիաներ և մեթոդներ, որոնք ոչ միայն կլուծեն արդի կրթական պահանջները, այլև դասադրոցեսին մասնակից կդարձնեն դասարանի բոլոր երեխաներին՝ հաշվի առնելով նրանց տարիքային - հոգեբանական առանձնահատկությունները: Մայրենիի ուսուցումը ևս չի կարելի կազմակերպել և անց կացնել առանց ուսուցման նորարարական մեթոդների: Մեթոդի ճիշտ ընտրությունից և նրա ճիշտ կիրառումից է կախված դասի արդյունավետությունը:
- Հետազոտության կիրառված մեթոդներն են՝ հետադարձ կապ, դիտարկում, համագործակցություն/խմբերով և գույգերով/, հարցադրման մեթոդ և այլն

Հետազոտության ընթացքը

Դասը անցկացրել են 6-րդ դասարանում, որտեղ սովորում են 23 աշակերտ: Դասի թեման էր «Նս կ իմ ընտանիք»>>: Նպատակը՝ սովորողների մոտ հետադարձ կապի աջակցությունը ինֆորմացիոնալ կառուցված կարողունակության զարգացմանը: Արդյունքում աշակերտները կարողանան ձևավորել անհատական կարծիք, կունենան դիրքորոշում և կհարգեն դիմացիների կարծիքը, հանդուրժողական կլինեն դիմացինի նկատմամբ: Առաջին դասը անց էին կացրել ավանդական մեթոդով՝ ըստ դասապլանի: Ճիշտ է, դասարանի կեսը համարյա մասնակցել է դասին, բայց կային աշակերտներ, ում չէր հետաքրքրել թեման կամ դժվար էր այն յուրացնելը: Այսինքն՝ սովորողների մի մասը պատիվ էր և դասին մասնակցում էր միայն այն ժամանակ, երբ հարցով դիմում էին նրան: Այդ դասի մակարդակը բավականին ցածր էր:

Երկրորդ դասին դասարանը բաժանել են խմբերի և յուրաքանչյուրին տվել հանձնարարություն՝ այդպես ծավալելով համագործակցություն թեմայի շուրջ: Աշխատանքը կրել է գործնական բնույթ, որտեղ աշակերտները ներգրավված են եղել իմ համապատասխան ուղղորդման արդյունքում: Առաջին խմբին տրվել է տեխն. Օրբելյանների ընտանիքի վերաբերյալ: Խմբի անդամները հայտնել են իրենց կարծիքը Օրբելյան ընտանիքի վերաբերյալ՝ նշելով, որ Օրբելյան եղբայրները իրենց գիտելիքներով օժանդակել են հայրենիքին: Այնուհետև թեման կապել են մեր օրերի հետ. այսօր հայ երեխան պետք է շատ գիտելիքներ ունենա, որ վաղը կիրառի դրանք Հայաստանի անվտանգության նպատակով: Երկրորդ խմբին առաջադրել են հարցեր.

- Ի՞նչ են հասկանում ընտանիք ասելով:
- Ո՞ր ընտանիքն է քեզ դուր գալիս և ինչո՞ւ:
- Ինչպե՞ս կարելի է լուծել կոնֆլիկտները ընտանիքում :
- Ինչի՞ վրա է հիմնված ընտանիքի ամրությունը:
- Որո՞նք են քո պարտականությունները ընտանիքում:

Երրորդ խմբին հանձնարարել են անավարտ նախադասություններ, որ իրենք ավարտեն:

Չորրորդ խմբին հանձնարարել են գրել օրհնանքի խոսքեր, որոնք ասվում են երեքօրյա ծնվելու ժամանակ: Այսպիսով, դասարանում ստեղծվել է ընդհանուր համագործակցային մթնոլորտ. արդյունքում ակտիվ էին բոլոր աշակերտները:



Երրորդ հետազոտական դասը նույնպես ընթացել է ըստ դասապլանի: Նյութը ներկայացրել ու բացատրել են 'կիրառելով թուղթ\_գրատախտակը: Հանձնարարել են գուգերով գրավոր աշխատանք, որը պետք է կատարելին համագործակցելով միմյանց հետ: Ընդ որում, առաջադրանքը /3-4 տողանոց շարադրությամբ ներկայացնել հայրիկին, մայրիկին և ընտանիքի մյուս անդամներին/ շուտ կատարած գույգերին տրվում էր նորը: Այսպիսով, դասարանում ստեղծվում է առողջ մրցակցային միջավայր:

<p><b>Թիրախ խումբը և շրջանակը /քանակ, սեռային բաշխում/</b></p>	
	<p>Հետազոտության համար ընտրվել է միջին դպրոցի 6-րդ դասարանը, որտեղ սովորում են 23 աշակերտներ, որոնցից՝ 16 տղա, 7 աղջիկ:</p>

**Եզրակացություն**

Ընտանիքի և դպրոցի համագործակցությունը գնալով ավելի արդիական և պահանջված է դառնում: Ծնողները բացառիկ դեր են խաղում երեխայի կյանքում. նրանք են կրում դրա զարգացման հիմնական պատասխանատվությունը: Ընտանիքը պետք է լինի համախոհների խումբ և գործի դպրոցի հետ համատեղ: Մանկավարժությունը պետք է դառնա գիտություն բոլորի համար՝ և՛ ուսուցիչների, և՛ ծնողների համար, ուստի կարևոր և հրատապ խնդիրներից է դպրոց-ընտանիք համագործակցությունը: Նկատի ունենալով նախագծային ուսուցման առանձնահատկությունները, որտեղ սովորողն ունի իր դերը՝ այս հետազոտական աշխատանքի ընթացքում անց են կացրել ԿԶՈՒ դասեր՝ դիտարկելով այս խնդրի լուծման նոր մոտեցում, որը կայանում է նորարական մեթոդների կիրառման մեջ: Մասնավորապես, հետազոտական աշխատանքի ընթացքում գործածել են համագործակցությունը դասի ընթացքում ուսուցիչ-աշակերտ և աշակերտ-աշակերտ ձևաչափով, ինչպես նաև գործնական աշխատանքների լայն կիրառությունը գույգերի համագործակցությամբ պայմաններում: Վերոհիշյալ մեթոդների կիրառությունը զգալի դրական արդյունքներ է տվել

հետազոտական դասերի ընթացքում՝ բավականին մեծ հետաքրքրություն խթանելով աշակերտների մոտ: Ես համոզվել եմ ,որ ավանդական մեթոդները չեն արդարացնում իրենց այն աշակերտների պարագայում, ում մոտ զգացվում է ուշադրության և հետաքրքրվածության պակաս այս կամ այն թեմայի նկատմամբ. յուրաքանչյուր աշակերտ չի ,որ կարող է արդյունավետ վերջնարդյունքի հասնել, բայց բոլորս էլ գիտենք, որ տարրական գիտելիքներն անգամ շատ անհրաժեշտ են մարդուն առօրյա կյանքում:

## **Օգտագործված գրականության ցանկ**

1. <https://hy.wikipedia.org>
2. <http://www.parliament.am>
3. <https://abalvlup.ru/hy/istoriya/tradicii-v-sotrudnichestve-so-shkoloi-i-roditelyami-sotrudnichestvo-detskogo-sada/>
4. Կ. Յուզբաշյան «Հովսեփ Աբգարի Օրբելի» գրքից

**ՀԱՎԵԼՎԱԾ 1**

Ամիս, ամսաթիվ – 3.09- 19.09.2022

Առարկան, դասարանը- Մայրենի 6-րդ դասարան

Դասի թեման –«Ես և իմ ընտանիքը»

Նպատակը -Բազմաբնույթ մեթոդների միջոցով պարզել հետադարձ կապի աջակցությունը  
ինձնաճանաչողական կարողունակության զարգացմանը:

Ձևավորել սեփական կարծիքը

ունենալու և հիմնավորելու և դիմացինի կարծիքը հարգելու կարողություն: